

ԲԱՅՎԵՅ Ս. ԳՐԻԳՈՐ ԼՈՒՄԱՎՈՐԻՉ ՄԱՅՐ ԵԿԵՂԵՑՈՒ ՄՈՄԱՎԱՌՈՒԹՅԱՆ ՆՈՐ ՍՐԱՀԸ

Փետրվարի 7-ին սկսեց գործել Երևանի Սուրբ Գրիգոր Լուսավորիչ Մայր եկեղեցու մոմավառության նոր ընդարձակ սրահը՝ կառուցված Հայ Եկեղեցու մեծագնիվ բարերար Լուիզ Սիմոն Մանուկյանի բարերարությամբ: Մոմավառության սրահի ճարտարապետն է հոգելույս Սյուրիան Բյուրքյանը:

Մոմավառության նոր սրահի բացումը կատարվեց ձեռամբ Մայր Աթոռ Սուրբ Էջմիածնի դիվանապետ Ս. Արշակ եպիսկոպոս Խաչատրյանի: Սրբազան Հոր գլխավորած խաչվառագարդ թափորը Սուրբ Գրիգոր Լուսավորիչ Մայր եկեղեցուց ուղղվեց դեպի մոմավառության սրահ, ուր ժապավենի հափումից հետո կատարվեց նորակառույց սրահի օրհնության կարգը:

«Այս սրահը երկար տարիներ սպասված մի իրողություն էր: Պատահական չէ, որ կատարեցինք նորակերպ բնակարանի օրհնության կարգ: Իր տեսակի մեջ մոմավառության սրահը ևս բնակարան է, որն ունի իր բնակիչները՝ այն հավաքագյալ անձերը, ովքեր մշտապես պիտի այցելեն և ամեն մի վառվող մոմի հետ իրենց աղոթքներն ու իղձերն առաքեն Աստծուն:

...Այս մոմավառության սրահը երկակի առաքելություններն է գալիս նորոգելու մեր հոգիներից ներս. լուսավորություն, որ յուրաքանչյուրս կոչված ենք լինելու լույսի որդիները, և երկրորդ՝ գաղափարը՝ նահապարկության, ինքնագոհության գաղափարը, որ յուրաքանչյուրս պարտավոր ենք զոհաբերվելու այն առաքելության համար, որին կոչում է մեզ Տերը», - ասաց Արշակ Սրբազանն իր խոսքում:

Սրբազան Հայրը նաև Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի օրհնություններն ու գնահատանքը փոխանցեց եկեղեցու հոգևոր հովիվ Ս. Անուշավան վարդապետ Ժամկոչյանին ու բարեջան շինարարներին՝ ցուցաբերած նախանձախնդրության ու ջանասիրության համար:

**ՄԱՅՐ ԱԹՈՐ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ**